

Намоздан олдин мисвок қилиш | Ҳадис дарслари (310-дарс)

Ҳадис
ДАРСЛАРИ

310-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 04.12.2024 2519

هُنَعُ هَلَلَا يَضَرَّهٖ ذُحُونَعُ
هُلَلَا يَلَّصُ يَبْنَلَا نَاك : لَاق
دَّجَهَتَي لَمَاق اِذَا مَلَسَوِ هَيَلَع
كَاوْسَلَابُ هَافُ صُوشَي

Ҳузайфа розияллоҳу анҳудан ривоят қилинади:

«Набий соллаллоҳу алайҳи васаллам кечаси Таҳажжуд намози учун турсалар, оғизларини мисвок билан ишқалар эдилар».

Шарҳ: Маълумки, уйқудан кейин одамнинг оғзи бемаза бўлиб, турли ҳид чиқиб туради. Шунинг учун уйқудан уйғонгач, оғизни тозалаш учун мисвок қилиб, кейин таҳажжуд намози ўқилгани маъқул.

هُلَّلَا يَضَرُّ يَسْرُومَ يَبْأَنَعُ
يَبْنَلَا تُتَاتَا: لَأَقُ هُنَعُ
مَلَسَرَوِ هَيْلَعُ هَلَلَا يَلَصُ
كَأَوْسَبُ نَتَسَرِي هُتَدَجَوْفُ
كَأَوْسَلَاوُ عُأُ لُوقَيِ وَدَيِ
عُؤَهَتِي هُنَّكَ هِي فِ ي فِ
ي ذِمَّرْتَلَا لَأُؤَسْمُخَلَا أُمُّهَ أَوْرُ

Абу Мусо розияллоху анҳудан ривоят қилинади:

«Набий соллаллоху алайҳи васалламнинг ҳузурларига келсам, қўлларидаги мисвокни оғизларига солиб олиб, худди қайт қилаётганга ўхшаб, ў-ў-лаб мисвок қилаётган эканлар».

Бешовларидан фақат Термизий ривоят қилмаган.

Шарҳ: Бу ривоятда Пайғамбаримиз соллаллоху алайҳи васалламнинг тиш ва оғизларини жиддийлик билан яхшилаб, охирига етказиб тозалаш мақсадида мисвок қилишлари ҳақида сўз бормоқда. Биз ҳам Пайғамбаримиз соллаллоху алайҳи васалламдан ўрнак олиб, тиш ва оғизларимизни тозалаб юришимиз мақсадга мувофиқдир.

هُلِّلَا يَضَرَّ رَءُوسَهُ يَبَأْنَعُ
هُلِّلَا يَلَّصُّ يَبْنَلَا نَعُ، هُنَّعُ
نَأْ أَلْوَلْ: لَأَقَمَّ لَسَوِ هَيْلَعُ
مُهُتَرَمٌ أَلْ يَتَّمُ أَيْلَعُ قُشْرًا
بِءَالِ صَلُّكَ دَنْعِ كَأَوْسَلَابِ
بِءَسْمِ خَلَا هَأَوْرُ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Агар умматимга машаққат бўлишини ўйламаганимда, албатта, уларни ҳар намоздан олдин мисвок қилишга амр этган бўлур эдим», дедилар».

Бешовлари ривоят қилганлар.

Уламоларимиз ҳар намоздан олдин мисвок қилиш суннати муаккададир, деганлар. Бунга амал қилиб боришимиз лозим.

«Ҳадис ва ҳаёт» китобининг 4-жузи асосида тайёрланди.